



DEN NORSKE KYRKJA

Sykkylven kyrkjelege fellesråd

Protokoll frå fellesrådsmøte 17. november 2022

- Desse møtte: Torbjørn Støylen (*leiar og repr. frå Sykkylven sokneråd*)
Ellen Brautaset Vatne (*nestleiar og repr. frå Ikornnes sokneråd*),
Therese Kristin Utgård Aas (*repr. frå Sykkylven sokneråd*),
Birgitte J.S. Bonesmo (*kommunal repr.*),
Arild Sporsheim (*kyrkjeverje/dagleg leiar*)
- Forfall: Bergljot Hjortdal (*repr. frå Ikornnes sokneråd*),
Ingmund Eliassen (*vararepr. for Ikornnes sokneråd*),
Svein Runde (*geistleg repr.*)
Simen E.N. Myklebust (*vararepr. for geistleg repr.*)

F-sak 21/22 Godkjenning av innkalling og saksliste

Vedtak:

Godkjent utan merknad.

Vedtaket var einstemmig, 4 røyster for.

F-sak 22/22 Protokoll frå fellesrådsmøtet 20. oktober 2022

Vedtak:

Godkjent utan merknad.

Vedtaket var einstemmig, 4 røyster for.

F-sak 23/22 Gjennomgang av rekneskapet

Økonomiutvalet orienterte om den rekneskapsmessige situasjonen pr. 31.10.2022. Det tilsynelatande positive resultatet kjem av eit manglande utført taktekkingsprosjekt i Ikornnes kyrkje. Kr. 200 000,- er difor avsett til fond, samt kr. 100 000,- frå rekneskapsåret 2021, til dette formål. Reduserte straumkostnadar, vakanse, sjukmeldingar og redusert arbeidsgjevaravgift har også ført til eit mindreforbruk pr. 31.10.2022.

Vedtak:

Sykkylven kyrkjelege fellesråd tok gjennomgangen av rekneskapet pr. 31.10.2022 til vitande.

Vedtaket var einstemmig, 4 røyster for.



DEN NORSKE KYRKJA

Sykkylven kyrkjelege fellesråd

F-sak 24/22 Møtegodtgjering folkevalde

Kyrkjeverjen orienterte om saksframlegget.

Vedtak:

Soknerådsmedlemmane

Møtegodtgjering folkevalde vert sett til kr. 250,- pr. møte uavhengig av om ein er fast medlem eller varamedlem. Satsen er sett med utgangspunkt i 10 ordinære soknerådsmøter i året. Dette blir til saman kr. 2500,- som blir eit maksbeløp for å ha deltatt på alle møta (sjølv om det blir fleire enn 10 møter). Leiaren får eit årstillegg på kr. 2000,- og nestleiar får eit årstillegg på kr. 1000,-.

Fellesrådsmedlemmane

Møtegodtgjering folkevalde vert sett til kr. 500,- pr. møte uavhengig av om ein er medlem eller varamedlem. Satsen er sett med utgangspunkt i 5 ordinære fellesrådsmøter i året. Dette blir til saman kr. 2500,- som blir eit maksbeløp for å ha deltatt på alle møta (sjølv om det blir fleire enn 5 møter). Leiaren får eit årstillegg på kr. 2000,- og nestleiar får eit årstillegg på kr. 1000,-.

Utvalsmøter

Møtegodtgjering folkevalde vert sett til kr. 200,- pr. møte avgrensa til Administrasjonsutvalet, Forhandlingsutvalet, Økonomiutvalet og Gravplassutvalet.

Vedtaket var einstemmig, 4 røyster for.

F-sak 25/22 Konstituering

Det vart gjennomført skriftleg val av leiar og nestleiar, med verknad frå 01.12.2022.

Jf. *Forskrift om regler om formene for menighetsråd og kirkelig fellesråds virksomhet §1* (www.lovdata.no).

Vedtak:

1. Val av leiar: Av 4 røyster gjekk 3 til Ellen Brautaseth Vatne, og 1 var blank.
2. Val av nestleiar: Av 4 røyster gjekk alle 4 til Torbjørn Støylen.

F-sak 26/22 Møteplan for 2023

Vedtak:

Sykkylven kyrkjelege fellesråd planlegg 5 møter i år 2023 fordelt slik: 12.01.2023, 09.03.2023, 11.05.2023, 07.09.2023 og 16.11.2023.

Alle med møtetidspunkt kl. 15:00.

Vedtaket var einstemmig, 4 røyster for.



DEN NORSKE KYRKJA

Sykkylven kyrkjelege fellesråd

F-sak 27/22 Forskrift om gravplassvedtekter

Denne saka er ei oppfølgingssak av F-sak 17/22. Sidan behandlinga av saka den 8. september 2022 er framlegget/forslaget til denne forskrifta sendt ut på høyring (jf. Forvaltningslova § 37). Sykkylven kyrkjelege fellesråd, gravplassmyndigheita i Sykkylven kommune, har ikkje mottatt høyringsuttaler.

Vedtak:

Sykkylven kyrkjelege fellesråd vedtok «Forskrift om gravplassvedtekter, Sykkylven kommune, Møre og Romsdal» (vedlagt). Forskrifta trer ikkje i kraft før den er godkjent av Statsforvaltaren i Vestfold og Telemark, som er regional gravplassmyndigheit.

Vedtaket var einstemmig, 4 røyster for.

Orienteringssaker:

- Personalsituasjonen
- Kyrkjemøtevedtak vedr. Ny kyrkjeleg organisering
<https://kirken.no/kirkeligorganisering>
- Minnelund
- Kyrkjevalet 2023
- Lønnsforhandlingar

Neste møte: 12.01.2023 kl. 15:00.

Sekretær:

Arild Sporsheim

Kyrkjeverje / Dagleg leiar

Sign.: 
Leiar

Sign.: 
Nestleiar

FORSKRIFT OM GRAVPLASSVEDTEKTER, SYKKYLVEN KOMMUNE, MØRE OG ROMSDAL

Jf. lov av 7.juni 1996 nr. 32 om gravplassar, kremasjon og gravferd (gravplasslova) § 21 (1) , § 8 (1) og § 14 (1) og forskrift til lov om gravplassar, kremasjon og gravferd av 10. januar 1997 nr. 16 (gravplassforskrifta) § 15a (4), jf. gravplasslova § 14 (1) og § 21 (1).

Vedtatt av Sykkylven kyrkjelege fellelsråd i F-sak 27/22 den 17.11.2022.
Godkjent av Statsforvaltaren i Vestfold og Telemark (dato)

§ 1 FORVALTNING

Gravplassen i Sykkylven kommune er underlagt Sykkylven kyrkjelege fellelsråd.

§ 2. DEFINISJONAR

Gravplassmyndigheit: Sykkylven kyrkjeleg fellelsråd under utøving av forvaltningsansvaret sitt for gravplassen i Sykkylven kommune, jf. gravplasslova med forskrifter.

Fri grav: Grav som gravplassmyndigheita har tildelt ein avdød person frå kommunen, og som det ikkje blir betalt festeavgift for i fredingstida.

Festa grav: Grav som det er inngått eller fornya festeavtale for, jf. gravplasslova § 14.

Festa gravstad: Fleire kistegraver som er festa saman.

Ordinær urnegrav: Grav til oskeurne med plass til fire urner, jf. gravplassforskrifta § 14.

Urnegrav i minnelund: Grav til oskeurne i minnelund med plass til éi urne.

Kistegrav: Grav som stettar forskrifta sine krav til storleik for gravlegging av kister. I ei kistegrav kan det også gravleggjast urner.

Fredingstid: Tidsrom frå siste gravlegging til grava kan takast i bruk igjen til ny gravlegging.

Festetid: Tida det er avtala å feste ei grav for.

Ansvarleg for grav: Den som er ansvarleg for ei fri grav.

Festar: Den som står som part i ein festeavtale.

Anonym minnelund: Gravfelt for anonyme graver. Feltet kan ha eit felles minnesmerke utan opplysningar om kven som er gravlagt.

Namna minnelund: Gravfelt med felles minnesmerke med namn og data på dei som er gravlagde der.

§ 3. FERDSEL PÅ GRAVPLASSANE

Besøkande skal om mogeleg ferdast gåande, jf. gravplassforskrifta § 9 (2). Gravplassmyndigheita kan etter søknad gi løyve til å køyre ved dokumentert sjukdom/forflyttingshemming. All køyring skal skje særleg omsynsfullt.

§ 4. GRAVPLASSTILHØYRSLE

Avdøde personar i kommunen kan gravleggjast ved Sykkylven kyrkjegard, som er den einaste kommunale gravplassen i Sykkylven kommune. Dei har rett til fri grav så langt grava er tilvist.

Avdøde personar som på grunn av sjukdom eller alderdom har budd i ein annan kommune mot slutten av livet, blir medrekna på same måte som kommunens egne innbyggjarar, og har rett til fri grav så langt grava er tilvist.

Avdøde personar frå andre kommunar kan bli gravlagt i kommunen mot at kostnadane ved gravferda og avgift som ved feste av grav blir betalt.

§ 5. FREDINGSTID

Fredingstid for kistegraver er 20 år.

Fredingstid for urnegraver er 20 år.

Gravplassmyndigheita kan vedta lengre fredingstid for enkelte graver.

§ 6. FESTE AV GRAV MED MEIR

Når kistegrav skal takast i bruk er det høve til å feste ei grav ved sida av, og etter søknad til gravplassmyndigheita; for ei ekstra grav i tillegg når behovet tilseier det. Desse gravene utgjer då éin gravstad.

Ved bruk av ordinær urnegrav, sjå definisjon av "ordinær urnegrav" i § 2 *Definisjonar*, kan det ikkje bli festa ei grav ved sida av.

Ved feste av grav ved sida av den kistegrava som blir tatt i bruk, er festetida 20 år.

Når festetida/fredingstida er ute, kan grava/gravstaden bli festa for nye 5 år. Når det er gått 60 år etter siste gravlegging, kan festet ikkje bli fornya utan etter særleg samtykkje frå gravplassmyndigheita.

I god tid før festetida er ute skal festaren bli varsla. Er ikkje festet blitt fornya innan seks månader etter forfall, fell grava eller gravstaden tilbake til gravplassen.

Innbetalt festeavgift blir berre betalt tilbake dersom tilbakebetaling følgjer av bindande rettsreglar eller det ligg føre særlege grunnar.

Ingen kan bli gravlagt i festa grav/gravstad utan festaren sitt samtykkje. Dersom det ikkje er råd å hente inn samtykkje frå den ansvarlege eller festaren til bruk av grav, kan gravplassmyndigheita ta avgjersle om gravlegging.

Festar pliktar å melde adresseendring.

§ 7. GRAV OG GRAVMINNE

Ved opning av grav kan jord bli lagt på omkringliggende graver og gravutstyr kan mellomtids bli flytta. Gravplassmyndigheita sørger for istandsetting igjen, og vil også sjå til at grava blir planert og tilsådd med gras etter gravlegging. Montering av gravminne kan først skje etter at gravplassmyndigheita har godkjent gravminnet og merka staden der det skal stå. Det kan ikkje bli sett opp tidlegare enn 6 månader etter gravlegging av kiste. Gravminne på urnegrav kan bli sett opp med ein gong etter urnenedsetting. Så lenge ein ventar på gravminne sørger gravplassmyndigheita for eit merke med avdøde sitt namn på.

På nyfesta gravstad skal gravminnet plasserast sentrert i bakkant av gravstaden.

§ 8. PLANTEFELT

Framfor gravminnet er det høve til å opparbeide eit plantefelt i høgde med bakken omkring. Det må ikkje vere breiare enn gravminnet si breidde, men kan i alle tilfelle vere opp til 60 cm breitt. Det kan ikkje stikke lengre fram enn 60 cm, målt frå gravminnet sin bakkant. Det kan ikkje plantast vekstar som overstig gravminnet si høgde eller går utover plantefeltet. Det er ikkje høve til å bruke faste dekorgjenstandar som blomsterurner, lyfter mv. i plantefeltet. Det er høve til å tenne stearinlys og oljelampe på grava, så lenge dette er innanfor gjeldande reglar om brannvern. Stearinlys, oljelamper og andre lause dekorgjenstandar skal fjernast etter bruk.

Det er høve til å ramme inn plantefelt med delt steinkant som fluktar med terrenget omkring.

Dersom det ikkje er aktuelt å ha plantefelt, skal det vere grasbakke på alle sider av gravminnet.

Det er ikkje høve til å ramme inn grava med hekk eller døde materiale.

Dersom nokon monterer annan innramming enn det som er tillate, eller monterer faste dekorting på gravminne eller i plantefeltet, er det ikkje gravplassmyndigheita sitt ansvar, og det vert ikkje erstatta ved evt. skade. Ein gjer då dette på eige ansvar.

§ 9. PLANTEMATERIALE

Planter, kransar og liknande materiale som blir nytta ved gravferd eller ved pynting av grav og som endar som avfall, skal fullt ut vere kompostérbare.

§ 10. STELL AV GRAV

Kvar ansvarleg for frigrav eller gravfestar har rett og plikt til å stelle den grava vedkomande har ansvaret for. Plantefelt som ikkje blir tilplanta eller stelt skal såast til av den ansvarlege eller bli sådd til av gravplassmyndigheita.

Ansvarleg for grav eller festar pliktar å halde gravminnet sikra og i forsvarleg stand.

Ansvarleg for grav eller festar kan gjere avtale om at kyrkjelege fellelsesråd, og den som får løyve til det etter § 13, kan utføre planting og stell av grav. Ein slik avtale fritenk ikkje den ansvarlege eller festar frå det ansvaret dei har etter reglane som til ei kvar tid gjeld.

§ 11. NAMNA MINNELUND

Ved gravlegging i namna minnelund skal namn og data til avdøde først på ei namneplate på felles minnesmerke.

Graver i namna minnelund kan bli festa etter fredingstidas utløp på lik linje med andre graver på gravplassen. Det vil likevel ikkje vere høve til å gravleggje på nytt i grava.

I namna minnelund kan det bli festa ei grav attmed. Dette gjeld også urnegrav, sjå definisjon av "urnegrav i minnelund" i § 2 *Definisjonar*. Ved feste av grav attmed skal det betalast festeavgift frå tidspunktet då den første grava blir tatt i bruk. Ved feste av grav attmed i namna minnelund vil ikkje gravene nødvendigvis kome attmed kvarandre, men namneplatene.

Avgift for bruk av namna minnelund blir betalt frå det tidspunktet grava blir tatt i bruk.

Gravplassmyndigheita har ansvaret for felles tilplanting og stell i minnelunden. Det er ikkje høve til å opparbeide eige plantefelt for grav i minnelund. Det kan leggst ned blomar og tennast gravlys så lenge dette er innanfor gjeldande reglar om brannvern, på ein stad tilvist av gravplassmyndigheita.

§ 12. BÅREROM

Bårerom blir disponert av gravplassmyndigheita, og skal berre nyttast til oppbevaring av døde i tida fram til gravferda. Ingen har tilgang utan etter løyve. Liksyning kan berre finne stad etter samtykke frå den som står for gravferda, og vedkjem ikkje dei tilsette.

§ 13. NÆRINGSVERKSEMD

Næringsdrivande som ønskjer å drive verksemd på gravplassen skal hente inn løyve frå gravplassmyndigheita. Løyvet kan kallast tilbake dersom vedkomande ikkje rettar seg etter dei reglane som gjeld.

Slik verksemd kan berre omfatte montering, sikring og vedlikehald av gravminne og tilplanting og stell av graver.

§ 14. ARBEID PÅ GRAVPLASSANE

Anleggs- og vedlikehaldsarbeid skal skje på kvardagar i arbeidstida (kl. 07:00-17:00) og må ikkje utførast på søndagar, heilagdagane eller offentlege høgtidsdagane. Ikkje noko arbeid på gravplassen må vere til sjenanse for seremoniar eller rituelle handlingar på gravplass eller i bygning på gravplass. Næringsdrivande kan berre køyre på gravplassen i den grad det er nødvendig for å utføre arbeidet. Slik køyring skal skje ekstra omsynsfullt.

§ 15. IKRAFTSETJING OG OPPHEVING AV ELDRE VEDTEKTER

Denne forskrift om gravplassvedtekter trer i kraft frå 01.01.2023. Frå same tid blir «Vedtekter for Sykkylven kyrkjegard», gjeldande frå 2021, for gravplassen i Sykkylven kommune, Møre og Romsdal, oppheva.